



Vun frieher un heit for Bensmer Leit  
Bergsträßer Anzeigebblatt 28.01.1950



„En Feschdzug“  
un woas mer draus läärne kann.



En Feschdzug schäiht im klaanschde Näscht  
Wie inde Schdadt, bei jeerem Feschd  
Im Mittelpunkt schun lang devoor  
Haiert mer am Schdammdisch, im Kondoor,  
In jeerem Loade, wuumer kaaft,  
Wannde Balwierer oi aam saaft,  
Am Kaffeedisch, beim Middoagässe,  
Aa inde Käich, net ze vegässe,  
Im Fäld drauß, bei de Danzmusik,  
Im gräischde Druuwel un Gedrick,  
Beim Brenne vunde Weibslleithoarn,  
Selbschd, wammer Eisebuo dutt foahrn,  
Uff Schdroaße, Gasse, iwwroal dort,  
Wu Leit sich traffe vun dem Ort:  
„Wie wärds dann mit dem Feschdzug wärn?  
Ward mer im Wärrer sich net ärrn?“ — — —  
Där aane waaß es schun genaa,  
Gesoot hotsem e oaldi Fraa,  
Daß mer gefaßt soi mißt uff Räge.  
De zwadde helt dem dann engäje,  
Daß, wannde Wind sou bleibe deet,  
Die Wolke däi vetreiwe deet.  
De dritt, dar prophezeit beim Woi  
De allerschäinschde Sunneschoi.  
Dem värde isses sunnekloar:  
Däs wärd sou wie vegange Joahr.  
Do woars noch mojens wunnervoll,  
Die Sunn hot dann gebrennt wie doll,  
Un alles hot im neischde Schdaat  
Neigierig uffde Zugg gewoad.  
Die Musik, die hot schunn gebloose.  
Die Vorreier in weiße Hoose  
Mit schwazze Fräck un im Zilinner,  
Die häwwe groad em Trupp vun Kinner  
Noch zuugeruufe: „Platze gemoacht!“  
Un mit de Gail sich rumgeploagt,  
Do hots uff aamol, Gott solls wisse,

Getratscht — woas is mer ausgerisse!  
Im Aageblick woar uffde Gaß  
Däs Publigum ganz batschenaß.  
Die Mannsleit mit geschdellte Kräje  
Sin fortgerennt doo unnerm Räje.  
Die Weibslait hinnenoo, gekrenkt,  
Die Reck iwwer die Kebb gehenkt  
Woas doo kuputt woar glei an Sache,  
Däs hett aam kenne rasend mache.  
Glei bei de Ouzigg ougefange:  
Im Aageblick woarn oi die gange  
Die Knie, die woarn eruffgezooge,  
Un ärschd am Wams die Ellebooge,  
Die woarn noach owwe ruffgeschnärnt,  
Die ganz Fasoo, die woar vezärnt.  
Im Wasser is mer rumgedabbt ,  
Es Hemm hot aam am Leib gebabbt,  
De Schnaggo woar glei oabgefärbt,  
Die Schuh, die woarn wie frisch gegärbt.  
Aerschd bei de Weibslait — däs Maleer!  
Ei guggt gefelligst nor mool här!  
Wie nasse Katze sähn die aus.  
Es Wasser drebbelt unne raus.  
Die Unnerreck, ärschd frisch geblaaschd,  
Sinn ganz vezooge un vewascht.  
De Schlambes babbdn an de Schuh,  
Die Oabsetz bambele devu.  
Un ärschd die Bluuse, woasen Schreck,  
Die henge doo wie nasse Seck.  
Doo, wu es Wasser runnerlaaft,.  
Wärrn grii se, rout un gääl geschdraaft.  
Un dann die Hiet ärschd, frisch ganiert,  
Sinn all glei volligt kabeniert. — —  
Mit aam Wort, däs däs woar een Doag,  
Där gäiht de Leit bis heit noch noach. — — —

Sou dunn de Osld e hr Gedanke  
Ball niwwer un ball riwwer schwanke.  
Die Jugend leßt sich net beärrn.  
Sie denkt: däs wärd schun alles wärm!

Un wie? Se hot joo wäiklich Räächd!  
Woar ärschd die Aussicht noch sou schläächd,  
Hot mer aa kaum gehofft noch druff,  
De Baremeerer schnärnt jetz ruff.  
Un, woas die Zeidung prophezeit,  
Däs widerlegt die Wäiklichkeit.

De Wind schleggd um, un in poar Schdunne  
Do is die letschdi Wolk veschwunne.  
Es lacht de hällschde Sunneschoi,  
Groad wie dars prophezeit beim Woi.

Aus rings de Umgäjend erumm  
Schdreemt jetz ebei es Publigumm  
Uff Wägge, Scheese un uff Rärre,  
Ebeigelockt vum schäine Wärrer.  
Die wuu ze Fuß ärschd bei sinn kumme,  
Die häwwe goar net oabgenomme.  
Die Feschdzuggschdroaße woarn veschdobbt;  
Mer wärd ball hie, ball härgerobbt.  
Noach vorn kona Kaans mäih un zerick  
Vor laurer Schiewe un Gedrick.  
Un doch is alles frouh geschdimmt,  
Weil sicher ball de Feschdzugg kimmt.

Dort biegt er awwel um die Eds.  
En Herold, där mescht vornewäk.  
Es is de Bäckermoaschder Chrischd,  
En oaldgedienter Gawallrischd.  
Er sieht vun dene veele hunnert,  
Net wenig schdolz, sich oik bewunnert.  
For ihn is däs e woahri Luschd,  
Drum wärft er schdolz sich in die Bruschd, —  
Groad wie er grießt sou wärdevoll,  
Do fellet soi Gälche aus de Roll.  
De Chrischd, där schnauft jetz schwer vor Zorn.  
Dem Gälche isses leichder worrn.  
Es kreischd do alles laut vor Lache.  
Sou gäihts, wammer will Brulches mache.

In weiße Klaarer — ohne Schbaß —  
Goar mandien wärrn die Aage naß,  
Sieht mer jetz Madchin, junge, oalde.  
Wuu in de Hend Gärlande hoalte.  
Aus Dannegrii mit gäale Rouse.  
Vor Riehrung dutts do manchi schdouße.  
Sou manchi oald Erinnerung  
Wacht uff — Mer woar jo aa mool jung.  
Woas hot mer sälbschd sich als getraat  
Uffs ärschde weiße Feschdzuggsklaad. —  
Do rieft aans aus de hinnerschd Reih:  
„Die Hinkelskätt is aa debei?!  
Där kommer iwwern Wää niet traue!  
Un die is bei de Feschdjungfraue?  
Groad ausgeräschend die? Ach Gott!“

Die Riehrung schleggt jetz um in Schbott.  
Mer kroamt die ältschde Sache vor,  
Leßt ball an kaanri e gut Hoor  
Un hot däs Ordaal gier baraad:  
„Mit dene moacht mer doch kaan Schdaat!“  
**Aa Wort, wie die Erfahrung lehrt,  
Hot oft e Ordaal umgekehrt.**

Un wie mer sou noch dischkeriert,  
Kimmt jetz die Musik oumaschiert.  
Glei vornehär de dicke Daun  
Mit soiner lange Zugposaun.  
De Schwaaß, där pärltem vunde Schdärn.  
Där wärd noch heit woas inne wärn.  
De Nickelsfritz mim grouße Baß,  
De „Schrecke vunde Aalegaß“,  
De Gintershannes mit de Flead,  
De Schambes mit de Bläschdrumbeed  
Un annern noch mit weiße Hoose.  
„No, die vollfiehrn heit mool e Bloose!  
Ob falsch se schbeele, issen Worschd!  
Die denke aa nur an de Dorschd!“ —  
**Propheete wärn im ajene Land  
Ganz sälde wäkllich anerkannt.**

Jetz kumme, schlichd, in weiße Hoarn  
Zwaa Juwelaare härgefoahrn.  
Ehrn Wagge is mit Grii veziert  
Un schäi mit Blumme ausschdaffiert.  
Es sinn die Grinder vum Veroin.  
De aane is de Säppel Groin,  
De anner is de Munde Päirer.  
Im ganze Ort kennt die e jeerer. —  
„De aane hot in seiner Jugend  
Net ausgezeijend sich doich Tugend,  
Hot hocke losse ball soi Fraa,  
Is noi dann noach Amerigga.  
Un wie er wirrer kumme is,  
Horrer gehadd glei däs Geriß.

Warum? — Weil iwwroal er schbendiert.  
Ja, Leit wie die wärn aschdemiert!  
De anner woar jo aa kaan guurer.  
Där hot doch mool soiner Bruurer  
Um hunnert Gille gladd gebroacht  
Was sinnsem doomols noachgemoacht!  
Un heit sinn däs die Ehremenner!  
Ja, ja, die Wält wärd immer schenner!“

Sou duschelt mer sich haamlich zuu. — —  
Jetzt sinnse doo — un — wie im Nuu  
Wärn Hiet un Discher houchgeschwenkt,  
Die Aeärm die wärn faschd aus gerenkt.  
Un „Hurrah!“ nette vun alle Seite, —  
Die zwaa bedanke sich bescheide.  
Aa Blumme, ganze Schdraiß sogoar,  
Die wärft mer zu dem Juuwelpoar. —  
**Wär aam zu reiche Beifall schbend,  
Hot sicher haamlich schunn geschennt,**

Kaum hot de Juuwei sich geleggt,  
Wärn wirrer houch die Hals gereckt.  
Es kimmt en Ritter, houch ze Roß  
Un hinnerm här en ganze Troß  
„De Graf vun Seckel“, seschts Programm,  
Aus oigesässnem Adelschdamm.  
Soin fättgelräßne Ackergaul,  
Dem leeft de Kauschaum ausem Maul.  
Er hot kaan Schbaß schoints an dem Feschd.  
Er fehrt jo sunschd nor Sand un Meschd.  
Ei is de „Max“, wu jeerer kennt.  
Aerschd neilich woarer doichgebrennt. —  
De „Ritter“ is de Bumbefranz,  
De Suu vum Wärt „zum griine Kranz“,  
Wuu als den saure Woi verzabbt.  
Hed horrern Schnorres ougebabbt.  
Soi Backe sinn bemoolt mit Foalde,  
Daß mer ehn kennt for alder hoalte.  
Dochs kennen glei die ganze Leit.  
Se sinn zum Utze gäärn bereit. —  
Un wie soin Gaul poar Schbring riskiert,  
Wie uff Kummando alles wiehert.  
Im Sattel fellet de Franz zerick.  
De Hälm, där ritschdem dief inns Gnick,  
Un engschdlich helt där oame Drobb  
sich schnäll noch an soim Sattelknobb.  
**Es ist ist vunde Erhaawenheit  
Zum Lächerliche goarnet weit.**

Die Brauerei wollt zum Geling  
Vum Feschdzugg aa e Obber bringe.  
Se hot e Färrerroll geschickt,  
Mit Bierplagaade ausgeschmickt.  
„Gambrinus“ thront druff majeschdeedisch  
Un grießt noach alle Seite gneedig.  
En goldne Becher durrer schwinge,  
Um Schdimmung sou ins Volk ze bringe. — — —

Poar Borsch, zum allgernaa Pläsier,  
Die hocke vorn un drinke Bier.  
Se grehle, un makiern die Volle.  
Se schbeele wäklich gut ehr Rolle.  
Ehre Iwwerrnut wärd immer grasser,  
Se schdärzes Bier e noi wie Wasser.  
De Zuschdann woar sou ball erreicht,  
Wuuse noch awwee vorgedeischt.  
Doch wiese dann die Leit begosse,  
Hot däs sich kaans gefalle losse.  
Un wiese goar ze oik gedollt,  
Hot mer poar runner sich gehollt  
Un korzenschlosse, ohne Zaage,  
Ganz dichdig mool de Frack vехаage. –  
**De Alkehoal, Im Iwwefluß,  
Fiehrt leirer efders zum Vedruß.**

Un weil däs alles woar sou schäi,  
Kimmt jetz e zeitlang goar nix mäih.  
Die aane glaawe ganz beschdimmt,  
Es weer vebei, weil nix mäih kimmt,  
Die annern wolles besser wisse:  
De Feschdzugg is, schoins, oabgerisse!  
Die Weibslait ruufe mädde noi  
„Es wärd doch nix bassiert doch soi?!“ — — —

Mer häiert vun weirem wirrer bumbe  
Jetzt gäiht vun neiem ou däs Schdumbe,  
Mer dutt in Schhdreit mit deene kumme,  
Wuu vorn die Plätz aam wäkgenomme. — —  
Schunn kann die Maschmusik mer häiern.  
Mer leßt sich jetz doich nix mäih schdeern.  
E jeerer schbitzt nor noach dem Eck. — —  
Do kimmt en groußer Wasserweck,  
Getroage uff zwaa lange Schdange.  
„Där kennt for värzäh Doa aam lange!“  
Dann, uff zwaa Riesegawwelzinke,  
Dutt jetz e Worschd eriwwerwinke.  
E Flasch, sou houch wies Schbritzehaus,  
Die guggt noch hinnedrou eraus.  
Es gäiht doich all doo jetz en Ruck:  
„Naa, wäklich woahr, däs issen Zugg!“  
**Wuu Weck un Wurschd un Woi regiert,  
Do is die Schdimmung garendiert!**

Poar Mädchin, Blummekrenz im Hoar,  
Die schdelle jetz de Friehling vor.  
Nor is de Friehlig doich die Reih

Bei d e e n e Mädchen lengschd vebei.  
De Summer, wu dehinner kimmt,  
Is ganz uff Rouse oabaeschdimmt.  
Doch leirer woar die Rousezier  
Vun vorn bis hinne — aus Babierl  
E Freiloin, wuu en Becher helt,  
Hot kiehn de Härbschd doo vorgeschdellt.  
Aus Wadd en Schnäimann, haichschd bescheide.  
Där soll de Winter dann bedeide. —  
**Es hilft aam iwwer manchen Dräck**  
**Die Fandasio ganz leicht ewäk.**

Net wenig hot mer sich veschbroche  
Vun dem, woas jetz vebeigekroche.  
En Drache woas, aus Leinwandfätze;  
Grii ougeemoult, zum gräischd Ensetze,  
Besunnerschd vunde Kinnerwält.  
Ball hot mer schmunzelnd feschedgeschdellt,  
Daß, wann däs Dier sich fortgezuggt,  
Vier Tornschuh häwwe rausgeguggt. — — —  
Un hinnenoo is schdolz un forsch  
Gererre kumme de Sankt Schorsch.  
Sein Panzer woar, samt Bandelier,  
Vumme franzeesische Kerrassier.  
Mim Hälm isser zeräächd net kumme  
Un hooren efters oabgenomme,  
Die Eiseschiene ande Baa,  
Die bassem net un sinn ze klaa.  
Die Lanz is aa net ougenehm.  
Sie bleibt als henke inde Beem. — — —  
De Philipp, wuude Schorsch makiert  
Hot däs Gefiehl: ich bin blamiert!  
**Ja, ja, die Uuzulenglichkeit**  
**Hot veel Endeischung schunn bereit.**

E Schäiselche uff Gummirärrer  
Un mim Vedeck aus schwazzern Lärren  
Kimmt ougefoahrn jetz. Uffem Bock  
Sitzt ineme ritzeroure Rock  
Un mirreme houche Duchzilinner  
De Kutscher. Uffem Sitz dehinner  
Im Biedermeierhochzigschdaat  
E Päärche. — Im geblimmde Klaad  
Die Kathrin un im grüne Frack  
De Jaggobb mirreme Schaboklak.  
Däs hett aam wenig joo geschdeert:  
Doch äbbes hot sich net geheert:  
De Jaggobb woar zu dief beglickt

Un hot die Kathrin rumgedrückt.  
Es häwwe drou sou manche Frumme. — —  
Gebiehrend Äjernis genumme,  
**Die Zärtlichkeit, wuu Neid erweckt,  
Wärd immer annersd ausgelegt.**

De Zugg is aus un alles rennt  
Jetz doichenanner, wie wanns brennt.  
Die aane schdärze wie besässe  
Noach vorn aus puurem Kunschdindrässe,  
Um noch emool de Zugg ze sähe;  
De annern is nor drou geläje,  
E billig Wärtslakaal ze suche,  
Wu sich beim Kaffee un beim Kuche  
Die Weibslait mool veschnaufe kenne,  
Die Mannslait dune dann zu sich wenne  
De Ribbcher, Handkees un de Worschd,  
Em frisch Gloas Bier dann for de Dorschd.  
Se losse Zugg mol Zugg jetz sei,  
Bieer is jetz Drumb un neie Woi.  
**Woas weer es Lääwe doch sou schweer,  
Wanns Aesse ne tun Drinke weer.**